

漁洋山人感舊集

竹

感舊集卷七

漁洋山人選

德州盧見曾補傳

余懷二十四首

懷字澹心別號鬢持老人福建莆田人有味外軒臺

漁洋詩話余澹心居建康常賦金陵懷古詩不減劉賓客

謝公墩云云孫楚酒樓云云雨花臺云云勞勞亭云云順治辛丑寄予廣陵余答詩云千載秦淮水東流繞舊京江南戎馬後愁殺庾蘭成鍾阜蔣侯祠寄谿江令宅傳得石城詩腸斷蕪城客 本事詩小序澹心留寓南中徵歌選曲儼如少俊梅邨贈言有石子岡頭聞奏伎瓦官閣下看盤馬之句過江風流應復推爲領袖

褚河南書枯樹賦歌爲孝升作

涼飈颯颯山鳥呼丹青滿堂招酒徒烟黃露白木葉下芙蓉晝泣三千珠主人好客

思芳草金鐙玉案供潦倒湖海風塵濁酒杯江南楊柳新亭道昨夜楓林叫鳳凰朱

簾宛轉明月光庭梧欲作瀟湘雨岩桂先催建業霜牀頭鮫胎瀉秋水寸絲尺絹雲

霞起就中一卷索題詩六朝詞賦初唐字平生蕭瑟庾子山婆娑枯樹動江關樹猶
如此嗟何及繁絃急管天應泣臨池者誰褚潭州詰偃瘦健拔老湫銀鈎鐵畫更嫵
媚行間自帶英雄氣當時歐虞八法工文皇睿賞君臣同豈知化晨亂天紀鬚眉竟
向蠻烟徙好書此賦十本餘漢南搖落增欷歔古人氣韻今人得咨嗟坐臥忘頭白
今宵沈醉太常齋飛箋擘軸皆奇才嗟余坎壈填溝壑十年夢到屏風脚哀歌夜半
風雨來悽愴江潭淚雙落

偶成

風雨十年夢乾坤一病身已知隨燕雀莫問畫麒麟太白非因渴陽烏不照春桃源
空有路無復避秦人

長干秋興

夕嶂偏增翠殘陽遠送行砧聲隨落葉笳吹滿歸城野水今年闊鄰雞昨夜鳴躊躇
征戰地重見古人情

和陽炯伯見贈

種瓜何地是青門愁見濛濛八表昏芳草故都春閉戶落花寒食夜開樽荒雞鳴處
誰能舞舊燕來時我尙存雨後不知山徑滑遲君雙屐印苔痕

謝公墩

高臥東山四十年一堂絲竹敗符堅至今墩下蕭蕭雨猶唱當時奈何許

孫楚酒樓

江南城西酒樓紅無數楊柳迎春風孫楚去後李白醉千年不見紫髯公

二十四航

古航蕭蕭日暮雲古航愁殺大將軍錢鳳何人敢不飲二十四航空煨燼

朱雀航

紅旗曾挂大航西日暮蕭蕭疎鳥啼野火閒雲空滿地橋邊風雨夜淒淒

雨花臺

雨花臺上草青青落日猶銜木末亭一綫長江三里寺千年鶴唳九秋螢

勞勞亭

蔓草離離朝送客驪駒愁唱新亭陌夜深苦竹啼鷓鴣空簾獨宿頭皆白

帝王廟

帝王將相一杯酒落葉啼烏霜滿櫓祠廟英靈今在否鷓鴣飛去月纖纖

陳三品石

陳宮花午夕陽開三品官從輦道來一自韓擒兵入後至今白石生蒼苔

夜泛胥江

月色照吳縣盈盈江上花寒雲送歸雁遠浦動棲鴉暮笛長吹客春帆早別家不知
芳草路來往是天涯

返櫂山陰道上

昨夜柯亭笛閒吹向夕陽殘花隨片雨舊樹老千霜世亂難乘興途窮只望鄉酒船
空載月拂袖過滄浪

登臥龍山

薄暮登山阜寒烟帶雨痕竹梢三里寺桑葉幾家邨遠浪搖江島長蕪入縣門舊時
王謝宅今日只啼猿

高樓對酌愴然有思

建業千尊碧不知
春復秋平生惟獨往
茲夕喜同游
天地心歸處
古今人倚樓
名山支手板
百尺聽江流

吉山夜宿

殘雪積巖阜
暮鐘來寺門
犬吠白雲徑
馬嘶黃葉邨
山尊聊可醉
旅夢不知喧
前路崎嶇甚
寒流落屐痕

遠遊詩

衡嶽閒游遇懶殘
至今煨芋未曾餐
山人何事輕衣紫
笑絕桐江一釣竿
紛紛花柳映沙隄
豈有千金購馬蹄
痛哭江陵張相國
孤墳猶在洞庭西
一杯江水謝東山
賭墅蕭蕭渾是閒
莫怪老僧頻捉鼻
也曾譚笑到人間

雨中集飲周忠介公蓼菴與如須懷舊作

雲旗一片遶西臺鐵笛橫吹第幾回
茂苑花開堪過日寒山鐘斷好銜盃
雄心視轍收三敗老淚衝河賦八哀
悵望美人臨北渚自騎天馬渡江來

贈曹秋嶽

野田漠漠楊花飛老我孤雲無所依
漂麥自傷爲學苦割氈莫歎知音稀
吳宮秋井舊深淺漢苑春風今是非
一笠一瓢可憐子櫻桃已紅胡不歸

自松陵至橋李舟中雜詠

一河春水漲桃花小艇隨風日未斜
蝴蝶紛紛滿芳草獨憐遊子不歸家

和阮亭冶春詩

銀柱琵琶鐵笛仙茂林修竹聚羣賢
幡飛鳳子東風軟汴水西流二十年

方
文三首補遺一首

文字爾止號齋山江南桐城布衣戶部郎中大鉉之子有齋山集西江遊草

漁洋詩話方齋山居金陵少有才華晚學白樂天好作淺俚之語爲世口實以己壬子生命畫師作四壬子圖中爲陶淵明次杜子美次白樂天皆高坐而已僂僂于前呈其詩卷余爲題罷語座客曰

陶坦率白令老嫗可解皆不足慮所慮杜陵老子父峻網密恐齋山不免吃藤條耳一座絕倒分甘餘話齋山有詩云烏衣巷口多芳草明日重過是早春亦佳句池北偶談亡友方爾止瀟灑有

天趣每見人誦詩者輒爲竄改其人不樂亦不顧也然退未嘗不稱其長而掩覆其短余以此重之明詩綜潘蜀藻云爾止詩陶冶性靈流連物態不屑章句繪間有率意之作頗爲學者口實不

知皆嘔心刻臍而出之者也詩話爾止間作可笑詩句頗爲時柳揄然如嘉穀登場或春或揉糝糠終少于粒米愚山集西江遊草序近之論詩者惟尙聲調噲吟氣象軒朗取官制典故經圖勝蹟

綴輯爲工稍涉情語嘗以降格于是前可移後甲可贈乙郭郭雖雄中實弊陋爾止爲詩雖民謠里巷塗巷瑣事皆可引用與會所屬衝口成篇故其詩欸曲如話真至渾融自肺腑中流出絕無補綴

之痕

喜遇陳印倩處士兼懷陸麗京梯霞

廬陵自古溪山好尙有梅花冷暖殊爭似錢塘陳與陸枝枝葉葉是林逋

遇鄉人

君從石城來曾過青溪否我家傍青溪門前數株柳

題半山道人畫冊

一著袈裟絕萬緣猶餘破研習難捐江山本是無情物寫到荒殘亦可憐

題酒家壁

補遺

問我來何數非關飲興豪風塵燕市裏或恐有荆高

胡介十首

介字彥遠浙江錢塘布衣有旅堂詩集

漁洋詩話胡彥遠布衣食貧而妻與女皆能詩順治中遊京師送人南歸云帆檣楚國羣鳥晚

橘嶺吳天一雁晴與淮陰
柚邱曙戒季貞兄弟善

按彥遠有投吳梅邨被徵入都詩四首海外黃冠舊有期難數遺老散清時身隨杞宋留文獻代過
商周重鼎憂滿地江湖傷白髮極天兵甲憶烏皮重來簪筆承明殿記得揮毫出每遲幕府徵書日

夜催宮開碣石待君來歸心更度桑乾水伏櫪重登郭隗臺花萼春廻新侍從風雲氣隱舊蓬萊暮
年詩賦江關重輸卻城南十里梅一尊雨雪坐冥濛人在汪洋千頃中老驥猶傳空冀北春鴻那得
久江東榛莽過眼成虛谷禾黍關心拜故宮我亦吹簫向燕市從今敢自惜途窮碧潯黃塵事有無
此來風雪滿燕都遺京節度新推轂盛世朝廷倍重儒花暗鳳池思劍佩春深虎觀夢江湖悲歌吾
道非全泯坐有荆高舊酒徒又彥纈妻翁桓字少君重過西湖詩云風
風雨雨鳥空啼綠山腰水滿隄晝閣已傾歌舞散十年重到六橋西

送顧庶其南還并訊茂倫諸子

離堂尊酒恨難平久客何堪送客行落日自傷遊子意殘年倍有故鄉情帆檣楚國
羣鳥晚橘柚吳天一雁晴歸訊江城隱君子幾人雨雪憶劉生

康山謁忠臣廟

康山無恙太湖濱廟貌忠臣血食新官渡夜燾驚隔代老松古殿暗經春支離天地
常爲客慘澹風雲各有人躑躅荒庭銅狄恨羣公應有淚霑巾

題露筋祠

淮南淮北臥熊羆建纛開藩十萬師
鬻策一聲齊捲甲大家回首露筋祠

感懷詩

庭鶴不自得步影悠悠本是雲霄姿
馴人耳目求餉我一握粟令我失滄洲
斂翮發清嘯寄聲謝同儔清苦有餘樂
行矣毋自讐

人生如馳景況與憂患居曉月耿天上
夕陽流前除初聞薰蘭香當門行欲鋤
早歲騁志節顧盼已無餘何當向屋坐
塊若枯池魚仰面語日月爲我立踟躕
龍飛易爲潤其下鮮籩簠不然高鴻冥
凌風遊太虛安得欸段馬結束在鄉閭

埳雞警當曙老馬識路歧蟋蟀候十月
自來親牀帷夜聞蟋蟀鳴小物亦知時
如何青雲器獨坐理亂絲戶外賊橫陳
抱書向經師子陽井底蛙邊幅以自持
鹿門識時務牀下伏奇姿班世褒儒雅
超獨蕩滌之好女在中閨好男在驅馳

結髮爲君婦奉君懼不終解珮綰君帶爲君戒淺衷君子崇令德心如春融融戴勝
降于桑鳴鳩亦翻風崦嵫匿炎暉蘭膏耀清宮所以大人心龍蛇遊其中我懷蘭相
如後有陳仲弓寥寥千載上俛仰微鑒躬

早歲抱壯心輾轉守微節蕭蕭菰蘆中孤居晤明哲古人愛獨往豈復留車轍擁書
常等身微言或幾絕始知名姓書不爲英雄設五經表有人對之解鬱結懷中一刺
橫三年成漫滅

家有昆吾劍其氣如圭璋沈淪古獄久川瀆蘊奇光風雨嘯空壁月中飛青霜乃知
古名器皆有神明藏如何萬古心相視爲文章破劍作耕刀鐵存而劍亡

大道喪千載昔人所同悲蒙蒙輪鞅塵新陳代相推峨峨鳴劍珮燁燁攜華辭鳴鐘
擊雙轂意氣傾一時如彼遠行客日日行路歧榮名汨民秉鑒略矜等夷假寐昏旦

中冥然已無知何必臨化遷
倘恍難自持

龔 賢七首

賢字半千別號柴丈人江南上元布衣有草香堂集

愚山集龔半千像贊人推詩老自稱柴丈名不可逃俗不

可向尊酒陶然筆墨天
放投迹岳中寄情霞上

按半千工畫愛做梅花道人筆意常自寫小照作掃落葉僧
狀因名所居爲掃葉樓顛倒用小印二於幀末而不署名

扁舟

扁舟當曉發沙岸杳然空人語蠻烟外雞鳴海色中
短衣曾去國白首尙飄蓬不讀

荆軻傳羞爲一劍雄

江上夜歸

身老愁爲客迢迢返舊京扁舟無處宿中夜趁潮行
月落草堂寺鳥啼石首城酒醒

殘夢斷回顧不勝情

久不得韓畧消息

平生好遊歷此別日偏多嶽寺聽猿住江鄉傍虎過衰羸吾自念疾病爾如何短榻
依然在空房鎖薜蘿

胡介再過邗上

相逢知不易一拜淚潛然此地又春草吾生俱暮年囊空出詩卷廚冷動炊烟耆舊
今誰在尊前各自憐

訪王賜于清涼寺

憐君傷寂寞隨雨過青山古寺有誰到幽扉正未關烟平漲林樾風止辨潺湲虛閣
聞鐘罷高僧相對閒

冬日棲霞寺中作

山中常宴起偶被老僧催下去送溪叟獨歸尋釣臺鳥飛林雪散鹿飲澗冰開深省
聞鐘罷高天盡劫灰

鶯聲

我愛鶯聲好能諧隱者情水邊啼忽斷飛上越王城

王猷定三首

猷定字于一別號軫石子江西南昌貢生太僕卿止敬之子有四照堂集

今世

說于一遭亂居廣陵窮愁著書力追大雅海內能文之士翕然推之客死西湖篇帙散失大梁周司
農刻其遺稿行世明詩綜詩話于一以詩古文詞自負對客斷斷講論每舉一事輒原其本末聽
之齋心蓋兼有筆札喉舌之妙者其行書楷法亦自通神

北固

大江東北望半壁下孤城古寺風烟積春濤日月生人稀同石靜帆遠覺潮平五夜招提夢三山空外行

清明夕仙招同方朔于皇遊狼山

清明天氣佳集侶狼山遊數里見峯我山遠心已周須臾臨絕壁十丈峭且幽巨靈何代斧積鐵無寸柔懸溜滴蒼崖栖鶻聲啾啾絕頂肆遐矚乾坤共綢繆海水流下天天盡水不休遙望三吳影一抹青黛浮臨風發長嘯軍劍如孤舟

軍山看月

日見海天低夜見海風苦海水浴天時星辰皆作雨孤月下海中清光散諸嶼閱盡山中人月明自終古

韓 畱四首